

Platt partu:

Plattpartu Rundbreef 2026-09

Na den hitten Sommer

"Woneemher schallt wi Schatten kriegen?!",
höörst Minschen, Hunn' un Katten schriegen.
Tja, hüüt is sommers Schatten raar —
dor freit sik bloots de Rattenschaar...

Moinmoin, leve plattdüütsche Maten un Frünnen!

Wi seilt so sachen [vun Sommer na Harst](#), un dat is mi de leevste Tied — wenn de Aarn trecht is un en siedenweke Roh sik över allens leggt. Uns [Natuurnotizbook](#) is nocheens vull mit Planten, Vagels, Insekten un Spinnen, man se all seggt liesen [Op Weddersehn](#) to den Sommer. En rein Idyll is dat nich; fröher weer de [Aarn en Tied vun harte Knakenarbeit](#), hüüt [staht wi vör anner, niege Problemen](#). [Dat Klima warrt ruger](#), in Tokumst warrt't noch spannend... Man geern kiekt Meike Balzer-Fraun ok trüch op [ehr Goorns](#), Behrend Böckmann [priest den Röölk in Verse](#) un de [Quitschen ok](#), un ik [wunnerwark wedder över Krimmeltüüchs](#) in mien Üngeven. In't All hett ["Drakenoog" Henwiesen op primordiale Swatte Löcker](#) funnen — ok spannend.

Anners hebbt wi schöne Saken fein över all Flacken verdeelt: Meike Balzer-Fraun spazeert mit uns [üm Bremens grote Kiekmalen](#), Hans-Hermann Briesse [föhrt uns in'n Zirkus](#), Behrend Böckmann wördigt [uns leevst Huusdeert, de Katt](#), un de [Weltschandarm-Ambisjonen vun'e USA](#), de nu sachs passé sünd; Oma hett dat [\(Poppen-\)Huus vull Mini-Packs](#), un uns [Klaas Tüxen is unbannig fit](#). Mal is ok wat melanchoolsch: de [Afgesang op en tweigahn Partnerschaft](#); de Geschicht vun en Jung, de [sien Levensinholl verleert](#); dat astronoomsche Spitakel, [de Sünnefinsternis, in verdüüstert Versen](#).

Nu hett de Alldag uns wedder infungen, de [Welt blifft en Dullhuus](#), man uns kriggt se nich ünner! Geneet Se de schönen Daag un blievt Se fein sund, wi leest uns wedder Anfang Oktobermaand!

Nu de Linkliste. Op de Links bruukt Se bloots klicken, dat Se henkaamt.

[Plattdüütsch Künst:](#)

[Notizen ut'n Sneemaand](#). Fotos un Verse vun Marlou Lessing (28.8.)

[Zyklus "Zirkus", Deel 1](#). Van Hans-Hermann Briesse (28.8.)

[Sunnverdüstern](#). Van Hans-Hermann Briesse (14.8.)

[Dörch dat Johr: Vun Sommer na Harst](#). Versen un Vertelln van Hans-Hermann Briesse (2.8.)

De Welt un Gott:

Football is sien Leven. Vun Hans-Hermann Briesse (28.8.)

Bummel dör Bremen, Deel 2: Doom un Raadhuus. Vun Meike Balzer-Fraun (23.8.)

Åäch soo! Vertellen vun Klaus-Dieter Tüxen (23.8.)

Größing un ehr Sammeltick. Vun Behrend Böckmann (16.8.)

Weltkattendach. Vun Behrend Böckmann (8.8.)

Kuurnaust. Vun Behrend Böckmann (4.8.)

Natuur un Wetenschap:

75 Johr Leven in'n Goorn: Mien Goorns. Vun Meike Balzer-Fraun (22.8.)

Wokeen büst du? Deel 2. Vun Marlou Lessing (16.8.)

"Watermanagement" — dat nie'e Slagwoort. Vun Meike Balzer-Fraun (15.8.)

Röölk — dat Wunnerkrut. Vun Behrend Böckmann (11.8.)

Draoken-Ooge hätt urolle Straohlung funnen, dei et nich gäben schull. Van Ludgerd Lüske (2.8.)

In't aktuelle Natuur-Notizbook:

Quitschen. Vun Behrend Böckmann (30.8.)

Charakterköpp. Vun Jasmin Apcin (28.8.)

High Life an'n Heven. Vun Marlou Lessing (11.8.)

Boddervågels. Vun Behrend Böckmann (10.8.)

Kiek an! Vun Marlou Lessing (4.8.)

Nich to glöven! Vun Meike Balzer-Fraun (2.8.)

Wat in de Welt vörgeiht:

Dei Weltschandarm. Vun Behrend Böckmann (30.8.)

In't plattdüütsche Notizbook vun Marlou Lessing:

"Lake America" (28.8.)

De Sommer geiht to Enn (22.8.)

Rassismus in'n Sport, dat ole Leed (15.8.)

Applaus för de Natuur (13.8.)

För Kinner:

Modder Sünn ehr Kinner: Op Weddersehn! Märken vun Sophie Reinheimer,
överdragen vun Klaus-Dieter Tüxen (30.8.)

Hartlich grööt

Marlou Lessing un dat lütte Plattpartu-Team